



Bosnia and Herzegovina  
Federation of Bosnia and Herzegovina  
**ZENICA-DOBOJ CANTON**  
MINISTRY OF ECONOMY

**ZENIČKO-DOBOJSKI KANTON  
VLADA**

Zenica, 4.9.2014. godine

Vaš znak:

Naš znak: 04-18-12064-1/14

Predmet: Dostava prijedloga Zaključka

U prilogu Vam dostavljamo prijedlog Zaključka o Informaciji o koncesijama na području Zeničko-dobojskog kantona za 2013. godinu koju je izradilo Ministarstvo za privredu Zeničko-dobojskog kantona na usvajanje. Sastavni dio Zaključka je i navedena informacija..

S poštovanjem,

Dostavljeno:  
1x Premijer  
1x Sekretar  
1x u spis





Na osnovu člana 16. stav 4. Zakona o Vladi Zeničko-dobojskog kantona-Prečišćen tekst («Službene novine Zeničko-dobojskog kantona», broj: 7/10), Vlada Zeničko-dobojskog kantona na \_\_\_\_\_ sjednici, održanoj \_\_\_\_\_ godine, d o n o s i

## ZAKLJUČAK

### I.

Prihvata se Informacija o koncesijama na području Zeničko-dobojskog kantona za 2013. godinu, koju je izradilo Ministarstvo za privredu Zeničko-dobojskog kantona.

### II.

Informacija iz tačke I ovog zaključka upućuje se u skupštinsku proceduru.

### III.

Zaključak stupa na snagu danom donošenja.

Broj:

Datum. \_\_\_\_\_

Z e n i c a

Dostavljeno:

1x Ministarstvo za privredu

1x Stručna služba Skupštine

1x a/a

PREMIJER

Munib Husejnagić, dipl.ing.maš.

## Obrazloženje

Na osnovu Programa rada Vlade i Skupštine Zeničko-dobojskog kantona, Ministarstvo za privredu Zeničko-dobojskog kantona je uradilo Informaciju o koncesijama za 2013.godinu. Analizirajući naprijed navedene podatke o privrednim kretanjima na području koje obuhvata Zeničko-dobojski kanton, a vezano za koncesije, može se zaključiti da je ekonomska kriza koja je pogodila gotovo cijeli svijet imala vrlo negativne reperkusije i refleksiju na privredu Zeničko-dobojskog kantona. Kada se ovo kaže, onda se prije svega misli na probleme koje ima bazna industrija kao vrlo bitan segment privrede našeg Kantona. Međutim, nastavak izgradnje koridora V-c, čija trasa ide kroz područje Zeničko-dobojskog kantona, rezultiralo je blago povećanom aktivnosti privrednih subjekata, ali sa tendencijom povećanja eksploatisanih količina u odnosu na ranije godine. Nastavak izgradnje koridora V-c. kroz Zeničko-dobojski kanton, će rezultirati značajnijim potrebama čvrstih mineralnih resursa. Takođe, više privrednih subjekata koji vrše eksploataciju magmatskih stijena tipa dijabaz, split, gabra je pred potpisivanje ugovora sa stranim partnerima- što bi dalo dodatnu injekciju sredstava u oživljavanje privrednih tokova našeg Kantona.

U 2013.godini, prema podacima Ministarstva finansija, uplaćeno je 939.385,87 KM kao kontinuirana koncesiona naknada.

Shodno važećoj Odluci Vlade, broj: 02-14-27967/09 od 28.10.2009. godine ("Službene novine Zeničko-dobojskog kantona", broj:17/09), o načinu rasporeda sredstava od koncesija, 70% ukupnog iznosa prikupljenih sredstava po ovom osnovu je vraćeno općinama na čijoj teritoriji se vrši eksploatacija., odnosno vraćeno je 657.570,10 KM na osnovu kontinuirane koncesione naknade. Takođe, općinama je alociran cjelokupan iznos jednokratne koncesione naknadu uplaćen od strane privrednih subjekata "Eastern mining" d.o.o. Visoko od 175.205,85 KM, te "ŽGP" d.d. Zenica od 134.200,00 KM što ukupno iznosi 966.975,95 KM.

Takođe, u navedeni iznos su uvrštena i sredstva uplaćena od strane privrednih subjekata koji plaćaju kvartalno koncesionu naknadu, tako da su uplatili IV-kvartal poslije izlaska Komisije za usaglašavanje eksploatisanih količina mineralnog resursa.

Poslije uvrštavanja navedenih sredstava ukupno je alocirano prema općinama od koncesionih naknada iznos od 1.029.005,90 KM.

Sastavni dio ovog Zaključka je Informacija o koncesijama u Zeničko-dobojskom kantonu za 2013.godinu.

Imajući u vidu naprijed navedeno, Ministarstvo za privredu predlaže usvajanje Prijedloga Zaključka.



Bosna i Hercegovina  
Federacija Bosne i Hercegovine  
ZENIČKO-DOBOJSKI KANTON

MINISTARSTVO ZA PRIVREDU/GOSPODARSTVO



Bosnia and Herzegovina  
Federation of Bosnia and Herzegovina  
ZENICA-DOBOJ CANTON  
MINISTRY OF ECONOMY

A handwritten signature in blue ink, appearing to be 'Dob' followed by a stylized name.

**INFORMACIJA O KONCESIJAMA  
NA PODRUČJU ZENIČKO-DOBOJSKOG KANTONA  
ZA 2013. GODINU**

Z e n i c a, juli 2014. godine



INFORMACIJA O KONCESIJAMA NA PODRUČJU  
ZENIČKO-DOBOJSKOG KANTONA ZA 2013. GODINU

UVOD

1.DODIJELJENE KONCESIJE DO 2013. GODINE

1.1.Dodijeljene koncesije na istraživanje i eksploataciju čvrstih mineralnih resursa

1.2.Prihodi i rashodi od koncesionih naknada do 31.12.2012. godine

2.KONCESIONA NAKNADA I EKSPLOATISANE KOLIČINE ČVRSTIH MINERALNIH  
RESURSA U 2013.GODINI

2.2.Koncesioni ugovori potpisani u 2013. godini

2.3.Koncesije u postupku

2.4.Projekti podržani sredstvima od koncesija u 2013.godini

3. PRIHODI OSTVARENI OD KONCESIONIH NAKNADA U 2013. GODINI

3.1. Jednokratna koncesiona naknada

3.2.Plaćanje kontinuirane koncesionih naknada u 2013. godini

4.RASHODI IZ KONCESIONIH NAKNADA U 2013. GODINI

4.1.Odobreni projekti po Programu utroška budžetskih sredstava za 2013. godinu

4.2. Sufinansiranje poslovnih zona Zeničko-dobojskog kantona

4.3.Realizirani projekti subvencioniranja energetske efikasnosti

4.4.Allocirana sredstvima od koncesija prema općinama u 2013.godini

5.REKAPITULACIJA

6. ZAKLJUČAK

## UVOD

U skladu sa Programom rada Vlade i Skupštine Zeničko-dobojskog kantona za 2014. godinu, Ministarstvo za privredu je sačinilo Informaciju o koncesijama na području Zeničko-dobojskog kantona za 2013. godinu.

Oblast koncesija uređena je slijedećim zakonima:

- Zakonom o koncesijama Bosne i Hercegovine («Službeni glasnik Bosne i Hercegovine», broj: 32/02),
- Zakonom o koncesijama Federacije Bosne i Hercegovine («Službene novine Federacije Bosne i Hercegovine», broj: 40/02).
- Zakonom o koncesijama Zeničko-dobojskog kantona («Službene novine Zeničko-dobojskog kantona», broj: 05/03).
- Zakonom o geološkim istraživanjima Zeničko-dobojskog kantona („Službene novine Zeničko-dobojskog kantona“, broj:8/12)
- Zakonom o rudarstvu Zeničko-dobojskog kantona („Službene novine Zeničko-dobojskog kantona“, broj:10/12)
- Zakonom o dopunama Zakona o koncesijama („Službene novine Federacije BiH“, broj:61/06);
- Pravilima o postupku dodjele koncesije („Službene novine Federacije BiH“, broj:68/06);

U skladu sa navedenim, nadležnosti Kantona u oblasti dodjele koncesija su slijedeće:

1. istraživanje i/ili eksploatacija:
  - energetske mineralne sirovine (ugalj, sirova nafta, zemni gas i dr.),
  - metalne i nemetalne mineralne sirovine iz primarnih i sekundarnih ležišta,
  - svih vrsta soli i solnih voda,
  - ljekovitih, termalnih i mineralnih voda i izvorišta prirodnih voda za piće.
2. korištenje vodotokova i voda od interesa za Kanton,
3. izgradnja i/ili korištenje hidroakumulacija od interesa za Kanton,
4. izgradnja i/ili korištenje hidroenergetskih objekata snage ispod 5 MW,
5. korištenje građevinskog zemljišta.
6. korištenje poljoprivrednog zemljišta.
7. javni linijski prijevoz osoba,
8. lovstvo i ribolov.
9. hoteli i ostali turistički objekti,
10. vodosnabdjevanje gradova i naselja,
11. snabdjevanje toplotnom energijom i zemnim gasom gradova i naselja,
12. čišćenje gradova i odlaganje čvrstog otpada.
13. kanalizacioni sistemi.

U nadležnosti Ministarstva za privredu su sljedeći predmeti koncesija:

- energetske mineralne sirovine (ugalj, sirova nafta, zemni gas i dr.);
- metalne i nemetalne mineralne sirovine iz primarnih i sekundarnih ležišta;
- hoteli i ostali turistički objekti;
- snabdjevanje toplotnom energijom i zemnim gasom gradova i naselja;

Kao rezultat gore navedenih ovlasti i zakonom definisanih obaveza, Ministarstvo za privredu Zeničko-dobojskog kantona je pokrenulo i realiziralo niz aktivnosti vezanih za dodjelu koncesija na istraživanje i eksploataciju čvrstih mineralnih resursa .

U nastavku Informacije dat je pregled do sada dodijeljenih koncesija do 2013. godine, a posebno u 2013. godini, sa finansijskim tokova i programa aktivnosti.

Koncesionari su u 2013. godini funkcionisali u ambijentu opterećenom globalnom ekonomskom krizom, te smanjenom potražnjom za mineralnim resursima. Međutim, bitno je pomenuti nastavak izgradnje autoputa na koridoru V-c, odnosno trase koja prolazi kroz područje Zeničko-dobojskog kantona, što bi trebalo imati za posljedicu povećanja proizvodnje agregata električnoga kod privrednih subjekata koji su

bliže samoj lokaciji gradnje. Ove činjenice bi trebale u znatnoj mjeri uticati na poslovni rezultat koncesionara, kao i na ukupan prihod od koncesionih naknada.

## I. DODIJELJENE KONCESIJE DO 2013. GODINE

### 1.1. Dodijeljene koncesije na istraživanje i eksploataciju čvrstih mineralnih resursa

Shodno Zakonu o koncesijama, više domaćih i stranih investitora je iskazalo interes za dodjelu koncesija na čvrste mineralne resurse, kako metalne tako i nemetalne sirovine. To su većinom bili samoinicijativni zahtjevi i odnosili su se na istraživanje i eksploataciju mineralnih resursa, uglavnom krečnjaka, dijabaza, fliša, dolomita, spilita, glina, lapora, rožnaca, gabra i td., te na istraživanje i eksploataciju metalnih mineralnih sirovina olova, cinka, barita, dodjelu koncesije za vjetroelektrane, te istraživanje i eksploataciju uglja.

Kako postupak kod dodjele koncesije obuhvata dobijanje niza stručnih mišljenja i saglasnosti, te obavezno raspisivanje Javnih poziva, proces do potpisivanja ugovora o koncesiji je relativno dug. Veliki problem u realizaciji Zahteva za dodjelu koncesija predstavlja nedorečenost Zakona o koncesijama FBiH, pa i Zeničko-dobojskog kantona, a posebno, posljednjih godina, nepostojanje Zakona o šumama FBiH koji je potpuno zaustavio neke upravne postupke zbog nedefinisanja vlasnika na šumskom zemljištu (primjer „Libos“, „Marmex“ i dr.).

Ministarstvo pokušava određenim modifikacijama, a sve u duhu Zakona o koncesijama („Službene novine Zeničko-dobojskog kantona“, broj:5/03) svakodnevno, taj postupak ubrzati i olakšati. Na ovaj način se želi uticati na brzinu i kvalitet razvoja privrede Kantona, zapošljavanje i privlačenje domaćih i stranih ulagača. Ministarstvo za privredu je mišljenja da je ovo jedna od formula izlaska iz trenutnog privrednog zastoja kako Kantona, tako i Federacije i cijele BiH.

Zaključno sa 31.12.2012. godine, potpisan je 21. ugovor o koncesiji za istraživanje i eksploataciju čvrstih mineralnih resursa. Bitno je pomenuti da je još dva predmeta dodjele koncesije su u proceduri (ležište mrkog uglja „Brezove Dane“ kod Maglaja i ležište krečnjaka „Crkvice Kamenolom“ kod Zenice). Takođe, bitno je pomenuti činjenicu da je u dva slučaja došlo do prenosa koncesionog prava sa jednog privrednog subjekta na drugi („Bosnaputevi“ d.d. prenos na „Amina-Trade“ d.o.o. Sarajevo i „Proton“ d.o.o. Žepče prenos na „Dim-Kamenolom“ d.o.o. Žepče). Još jednom naglašavamo da je znatno usporen proces dodjele koncesija što je posljedica pravne praznine nastale usljed nedonošenja Zakona o šumama.

Pregled privrednih subjekata – koncesionara sa kojima su potpisani ugovori o dodjeli koncesije za istraživanje i eksploataciju mineralnih resursa do 31.12.2012. godine sa osnovnim podacima dat je u tabeli.

Tabela 1. Pregled koncesionara sa potpisanim koncesionim ugovorom za istraživanje i eksploataciju čvrstih mineralnih resursa do 31.12.2012. godine.

R. br.	KONCESIONAR – SJEDIŠTE	LOKACIJA LEŽIŠTE	PREDMET KONCESIJE	UGOVOR – BROJ I DATUM
1.	2.	3.	4.	5.
1.	„TVORNICA CEMENTA “KAKANJ” d.d. Kakanj	Greben – Kakanj	Istraživanje i eksploatacija laporca	KC 001/2000 12.09.2000.
		r. Ribnica – (desna obala) Kakanj		
		r. Ribnica – (lijeva obala) Kakanj	Istraživanje i eksploatacija krečnjaka	
2.	„IGM“ d.d. Visoko	Golo brdo - Visoko	Istraživanje i eksploatacija opekarske gline	KC 002/2001 30.01.2001.
3.	„KRIVAJA - GRADNJA“ d.o.o. Zavidovići	Sokolica Zavidovići	Istraživanje i eksploatacija krečnjaka	KC 004/01 22.05.2001.
4.	„E&P“ d.o.o. Zavidovići	Ribnica – Zavidovići	Istraživanje i eksploatacija dijabaza	KC 005/01 23.10.2001.
5.	„RUDNIK KREČNJAKA “BREZA” d.o.o. Breza	Nedići – Breza	Istraživanje krečnjaka	KC 006/02 19.04.2002.
			Eksploatacija krečnjaka	KC 11/03 01.10.2003.
6.	„BBM-AMFIBOLIT“ d.o.o. Vareš	Stijene – Vareš	Istraživanje i eksploatacija krečnjaka	KC 08/02 17.05.2002. Anex I 09.09.2002.
		Kota – Vareš	Istraživanje i eksploatacija krečnjaka i spilita	KC 08/02 17.05.2002. Anex I 09.09.2002.
7.	„TRGOŠPED“ d.o.o. Kakanj	Bořovačka stijena – Kakanj	Istraživanje i eksploatacija krečnjaka	KC 009/03 01.10.2003.
8.	„BOSNAPUTEVT“ d.d. Sarajevo	Paska Luka – Olovo	Istraživanje i eksploatacija krečnjaka	KC 13/003 15.03.2004.
9.	„JAŠAREVIĆ KOP“ d.o.o. Tešanj	Krtović-Kalošević	Istraživanje i eksploatacija krečnjaka	KC 19/06 15.09.2006.
10.	„BREZA DOM“ d.o.o. Sarajevo	Krivodol – Morača – Župča – Breza	Istraživanje i eksploatacija krečnjaka	KC 17/05 od 25.04.2005.
11.	„SANEX“ d.o.o. Breza	„Nezirov Gaj“ Breza	Istraživanje i eksploatacija pijeska	KC 20/2007 23.04.2007.

1.	2.	3.	4.	5.
12.	„CESTING“ d.o.o. Žepče	„Papratnica“ Žepče	Istraživanje i eksploatacija dijabaza	04-18-23400/08 16.09.2008. Koncesija prenešena sa „NBI Čurić“ Broj:04-18- 23400-1/08 od 19.10.2009. god.
13.	„PROTON“ d.o.o. Žepče	„Ograjna“ Žepče	Istraživanje i eksploatacija dijabaza	04-18-11834/08 16.09.2008.
14.	„GREENSTONE“ d.o.o Maglaj	„Donji Rakovac“ Maglaj	Istraživanje i eksploatacija dijabaza	04-18-7132-12/08 31.10.2008. Ugovor raskinut:
15.	„LIBOS“ d.o.o. Begov Han- Žepče	„Kuluk“-Begov Han	Istraživanje i eksploatacija dijabaza	04-18-367-6/09 11.12.2009. Trajanje 20. godina
16.	„HAJDIC“ d.o.o. Maglaj	Kosova-Maglaj	Istraživanje i eksploatacija krečnjaka	04-18-28423/11 11.03.2011. Trajanje 20. godina
17.	„CESTING“ d.o.o. Žepče	Papratnica-Žepče	Istraživanje i eksploatacija dijabaza	04-18-23400/09 19.10.2009. Trajanje 20. godina
18.	JP Elektroprivreda „Rudnik mrkog uglja Zenica“ d.o.o. Zenica	Moščanica	Istraživanje i eksploatacija krečnjaka	04-18-12111-1/10 21.09.2010. Trajanje 30.godina
19.	„LIBOS“ d.o.o. Begov Han- Žepče	„Krmance“- Begov Han	Istraživanje i eksploatacija dijabaza	04-18-7660-1/11 18.04.2011. Trajanje 25. godina
20.	„Almy-Transport“ d.o.o. Zenica	„Bistričak- Nemila“	Istraživanje i eksploatacija fliša i rožnaca	04-18-4620-1/11 25.03.2011. Trajanje 10. godina
21.	„Geomet“ d.o.o. Srebrenica	Rudnik olova Olovo	Istraživanje i eksploatacija ceruzita	04-18-15242-1/12 20.07.2012. Trajanje 25.god.

1.2.Prihodi i rashodi od koncesionih naknada do 31.12.2012. godine

Prema koncesionim ugovorima svi koncesionari su dužni izmirivati obaveze plaćanja kontinuirane koncesione naknade za korištenje predmeta koncesija u onom obimu u kojem su eksploatisali u određenom vremenskom periodu, a prema cijeni koja je definisana koncesionim ugovorom. Međutim, privredni subjekti koji nisu iz određenih poteškoća uspjeli eksploatisati niti minimalnu količinu koja je definisana koncesionim ugovorom- dužni su platiti koncesionu naknadu minimalno eksploatisanih količina i po cijeni koja je definisana u koncesionom ugovoru.

Tokom perioda 2006-2012. godina od koncesionih naknada ostvareni su prihodi i alocirana sredstva prema općinama na čijoj teritoriji se vrši eksploatacija, koji su prikazani u tabeli 2.

Tabela 2. Prihodi i rashodi od koncesija od 2006. god. Do 2012. godine

1	UKUPNI		2006.	2007.	2008.	2009.	2010.	2011.	2012.	UKUPNO
		PRIHODI /KM/		745.629,30	1.152.071,92	1.107.742,2	931.150,70	708.385,43	874.755,33	1.414.989,15
2	RASHODI /KM/	OPĆINE	372.814,65	576.035,96	592.749,21	471.401,99	498.129,40	612.328,73	530.889,87	3.654.349,81
		ZEDOKANTON	0,00	0,00	330.000,00	459.748,71	210.259,03	262.426,59	884.099,30	2.146.533,63

2.KONCESIONA NAKNADA I EKSPLOATISANE KOLIČINE ČVRSTIH MINERALNIH RESURSA U 2013.GODINI

U narednoj tabeli dat je pregled eksploatisanih količina mineralnih resursa, uplaćenih koncesionih naknada i dugovanja, te utuženja u 2013. godini.

Tabela 3. Pregled eksploatisanih količina mineralnih resursa, uplaćenih koncesionih naknada i dugovanja, te utuženja u 2013. godini

Privredni subjekt	Eksploatisane količine u 2013.god. (po Premjeru METRIX) /min. obavezujuća količina mineralnog resursa	Uplaćeno nakon sravnjenja u 2013.god. (KM)	Min. obaveza po Ugovoru o koncesijama (KM)	Ukupan trenutni dug iz predhodnog perioda (KM)	Podnesena tužba (da-ne)
1.	2.	3.	4.	5.	6.
"TVORNICA CEMENTA KAKANJ" d.d. Kakanj	198.082,40 t Greben 276.946,00 t Ribnica	380.022,70	0,00	0,00	ne
"IGM" d.d. Visoko	** 63.819,92 m <sup>3</sup> č. m. gline	13.322,00	0,00	9.375,37	ne
"BBM-VAREŠ" d.o.o. Vareš	0,00 m <sup>3</sup> č.m.spilit 61.056,92 m <sup>3</sup> č.m.kreč. min. 10.000 m <sup>3</sup> r.m.sp 60.000 m <sup>3</sup> r.m.kreč.	32.625,00	43.500,00	10.875,00	ne
"TRGOŠPED" d.o.o. Kakanj	201.030,72 m <sup>3</sup> č. m. 82.500,00 m <sup>3</sup> r. m.	58.525,60	33.000,00	39.309,00	ne
"MGV-GRADNJA" d.o.o. Zavidovići	206.257,88 m <sup>3</sup> č.m. min. 40.000 m <sup>3</sup> r. m	51.348,43	28.000,00	78.475,52	ne

"RKB-Rudnik krečnjaka Breza" d.o.o. Breza	98.038,37 m <sup>3</sup> č.m. min. 50.000 m <sup>3</sup> r. m.	0,00	20.000,00	199.462,53	da
"BREZA DOM" d.o.o. Sarajevo	322.041,72 m <sup>3</sup> č.m. min. 45.000 m <sup>3</sup> r. m.	44.206,24	22.500,00	161.821,58	da
"AMINA TRADE" d.o.o. Sarajevo	27.761,56 m <sup>3</sup> č.m. min. 20.000 m <sup>3</sup> r. m.	22.000,00	11.000,00	38.334,50	ne
"JAŠAREVIĆ KOP" d.o.o. TEŠANJ	0,00 m <sup>3</sup> č.m. min. 10.000 m <sup>3</sup> r. m.	0,00	3.500,00	57.929,80	da
"SANEX" d.o.o. Breza	51.399,69 m <sup>3</sup> č.m. min. 20.000 m <sup>3</sup> r. m.	20.000,00	10.000,00	30.000,00	da
"E&P" d.o.o. Zavidovići	94.317,90 m <sup>3</sup> č.m. min. 50.000 m <sup>3</sup> r. m.	28.125,00	37.500,00	37.500,00	ne
"LIBOS" d.o.o. Žepče	0,00 m <sup>3</sup> r. m. min. 20.000 m <sup>3</sup> č. m.	0,00	17.000,00	34.000,00	ne
"DIM KAMENOLOM" d.o.o. Žepče	0,00 m <sup>3</sup> č. m. min. 21.000 m <sup>3</sup> č. m.	12.000,00	17.222,00	43.958,70	ne
"CESTING" d.o.o. Žepče	0,00 m <sup>3</sup> č. m. min. 20.000 m <sup>3</sup> č. m.	17.319,60	16.000,00	56.000,00	da
"ALMY-TRANSPORT" d.o.o. Zenica	** 86.400,01 m <sup>3</sup> č. m. min. 12.000 m <sup>3</sup> č. m.	5.655,30	5.040,00	36.288,00	ne
"ŽGP" d.d. Zenica	** Za 2. g. 251.155,18 m <sup>3</sup> č. m. 94.428,72 m <sup>3</sup> č. m. do II mjes. 2014. god. min. 40.000 m <sup>3</sup> č. m.	254.236,00	38.800,00	38.800,00	ne

\* proračun u rastresitijoj masi (koeficijent za krečnjake i sl. stijene 1,4% . a za magmate 1,7%)

\*\* u postupku utvrđivanja eksploataisanih količina

Sublimirajući i upoređujući podatke predhodnih godina sa podacima u 2013. godini, može se zaključiti sljedeće:

Nastavljen je trend da privredni subjekti, sa potpisanim koncesionim ugovorom, koji nisu eksploataisali mineralni resurs u 2012. godini, nisu vršili eksploataciju čvrstih mineralnih resursa ni u 2013. godini;

Uplate koncesione naknade privrednih subjekta za 2013. godinu su umanjene u odnosu na predhodnu godinu (u 2012. godini uplaćeno 1.414.989,15 KM, a u 2013. godini 939.385,87 KM). U 2012. godini privredni subjekti su uplatili više sredstava jer je došlo do plaćanja od strane utuženih privrednih subjekata, izmirivanja dijela dugova iz ranijih godina kao i novih potpisanih koncesionih ugovora kao i ažurnijih uplata jednokratnih koncesionih naknada ;

Nastavak izgradnje trase koridora V-c kroz područje Zeničko-dobojskog kantona trebalo bi da da promjene trenda u pozitivnom smjeru vezanom za privredna kretanja našeg Kantona.

Veliki postotak privrednih subjekta sa potpisanim koncesionim ugovorom nije u 2013. godini vršilo eksploataciju. Ovo je vrlo zabrinjavajuća činjenica koja može biti posljedica više faktora, a neki su:

- došlo je do razlike u kvalitetu eksploataisanog mineralnog resursa, tako da se mnogo više upotrebljavao i eksploataisao kvalitetniji kamen u odnosu na lošije kvalitetne stijene.

- o udaljenost kamenoloma u kojem se vrši eksploatacija od većih privrednih centara (Sarajevo, Zenica, Visoko, Kakanj), te opterećenje cijene koštanja čvrstog mineralnog resursa cijenom transporta. Na ovaj način ovaj resurs nije konkurentan cijenom u odnosu na bliže kamenolome kod kojih je cijena transporta niža. Ovo se posebno odnosi na „BBM-Vareš“ d.o.o. Vareš, „Amina Trade“ d.o.o. Sarajevo, „Breza-Dom“ d.o.o. Sarajevo čiji se kamenolomi nalaze daleko od mjesta gdje se vrše poslovi niskogradnje i visokogradnje, te od trase koridora V-c.
  - o Što se tiče uplata koncesione naknade privrednih subjekata u 2013. godini, recesija i slaba potražnja mineralnih resursa se odrazila na privredne subjekte i mogućnost izmirivanja ovih obaveza. Takođe, kada se zna trenutna situacija u Bosni i Hercegovini vezano za novčane tokove, u direktnom kontaktu sa uposlenicima u privrednim subjektima, evidentna je i slaba naplativost prodatih količina mineralnih resursa privrednih subjekata koji su uspjeli naći tržište za svoje resurse.
- Očekuje se intenziviranje izgradnje autoputa koridora V-c kroz područje Zeničko-dobojskog kantona, a time i aktiviranje kamenoloma, što bi se značajno odrazilo i na plaćanje koncesione naknade i upošljavanje nove radne snage.
  - Takođe, potpisani su novi koncesioni ugovori na istraživanjima i eksploataciju olova, cinka i barita u Varešu, kao i istraživanje i eksploataciju krečnjaka na ležištu „Široke stijene“ kod Zenice, što je svakako perspektiva, kako za lokalnu zajednicu i općine Vareš i Zenicu, kao i cijeli Zeničko-dobojski kanton. Kako se radi o velikim projektima sa upošljavanjem velikog broja kvalifikovane radne snage, oživljavanje privreda općina Vareš i Zenica, očekuju se i dosta velike koncesione naknade što bi trebalo u konačnici da rezultira razvojem Kantona.
  - Sve naprijed navedeno bi trebalo pozitivno da se odrazi na ukupnu ekonomsku sliku privrede Zeničko-dobojskog kantona.

Razlika u iznosima za koje su pojedini koncesionari utuženi -prema trenutnom dugovanju (po izvještaju Komisije za utvrđivanje obaveza) je posljedica akumuliranja dugova kod pojedinih koncesionara. s druge strane pojedini koncesionari su uplatili određena sredstva pa se taj dug smanjio.

Podaci u Tabeli 3. predstavljaju zapisnički utvrđene godišnje količine eksploatisanih mineralnih resursa, uplaćenih i dugujućih koncesionih naknada na dan opservacije koncesionara od strane Komisije za utvrđivanje eksploatisanih količina čvrstih mineralnih resursa.

Kada se porede podaci za 2012. godinu i 2013. godinu, može se vidjeti da su pojedini privredni subjekti, sa kojima je Ministarstvo za privredu potpisalo koncesioni ugovor, eksploitali manje resursa u 2013. godini nego u predhodnoj, a pojedini privredni subjekti nikako nisu eksploitali mineralne resurse. Kada se položajno posmatra lokacija privrednih subjekata koji su malo smanjili eksploataciju, zapaža se da su oni locirani bliže trasi autoputa koridora V-c na dijelu koji prolazi kroz naš Kanton, kao i bliže većim privrednim centrima u kojima postoji privredna aktivnost („Trgošped“ d.o.o. Kakanj, „Cementara Kakanj“), a nikako nisu eksploitali privredni subjekti koji su dalje od ove trase i većih privrednih centara „Bosnaputevi“ d.d. Sarajevo (sada „Amina-Trade“ d.o.o. Sarajevo), „Breza Dom“ d.o.o. Sarajevo, „Jašarević Kop“ d.o.o. Tešanj). Takođe, došlo je do diferencijacije u kvalitetu mineralnog resursa, tako da se mnogo više upotrebljavao kvalitetniji kamen u odnosu na lošije kvalitetne stijene.

Što se tiče uplata koncesione naknade privrednih subjekata u 2013. godini, recesija i slaba potražnja mineralnih resursa se odrazila na privredne subjekte i mogućnost izmirivanja ovih obaveza. Takođe, kada se zna trenutna situacija u Bosni i Hercegovini vezano za novčane tokove, u direktnom kontaktu sa uposlenicima u privrednim subjektima, evidentna je i slaba naplativost prodatih količina mineralnih resursa privrednih subjekata koji su uspjeli naći tržište za svoje resurse.

Međutim, očekuje se intenziviranje izgradnje autoputa koridora V-c kroz područje Zeničko-dobojskog kantona, a time i aktiviranje kamenoloma, što bi se značajno odrazilo i na plaćanje koncesione naknade i upošljavanje nove radne snage. Takođe, potpisani novi koncesioni ugovori, a naročito ugovor o

istraživanjima i eksploataciji olova, cinka i barita u Varešu, kao i krečnjaka na lokalitetu „Široke stijene“ kod Zenice, su svakako perspektiva, kako za lokalnu zajednicu i općine Vareš i Zenicu, tako i cijeli Zeničko-dobojski kanton. Kako se radi o velikim projektima sa upošljavanjem velikog broja kvalifikovane radne snage, oživljavanje privrede općina Vareš i Zenicu to se očekuju i dosta velike koncesione naknade što bi trebalo u konačnici da rezultira razvojem Kantona. Sve ovo bi trebalo pozitivno da se odrazi na ukupnu ekonomsku sliku privrede Zeničko-dobojskog kantona.

Kod rada Komisije koja vrši utvrđivanje eksploatisanih količina mineralnih resursa, kao jedan od parametara za utvrđivanje eksploatisanih količina mineralnih resursa korišteni su podaci premjera koje je radilo privredno društvo „Metrix Inženjering“ d.o.o. Tuzla, koje je angažovalo Ministarstvo putem Konkurentskog zahtjeva.

## 2.2. Koncesioni ugovori potpisani u 2013. godini

-Kamenolom sa jamskom eksploatacijom na lokalitetu „Široke stijene“ kod Zenice egzistira iz predhodnog perioda i od početka ga koristi ŽGP Sarajevo, OUR „Gradnja“ Zenica.

Na osnovu Zakona o koncesijama, Prečišćen tekst, („Službene novine Zeničko-dobojskog kantona“, broj: 5/03), člana 1. Zakona o dopuni Zakona o koncesijama („Službene novine Zeničko-dobojskog kantona“, broj: 3/13), Odluke Vlade Zeničko-dobojskog kantona, broj: 02-18-15802/13 od 18.07.2013. godine i Zaključka Općinskog vijeća Zenica, broj: 01-01-8251/11 od 07.04.2011. godine, Geodetskog elaborata sačinjenog od strane „Zedis“ d.o.o. Zenica (maj 2013. godine) i Odluke o utvrđivanju minimalnih naknada za koncesije („Službene novine Zeničko-dobojskog kantona“, broj: 6/13), te Mišljenja Kantonalnog pravobranilaštva, broj: 04-18-15802-2/13 od 24.10.2013. godine, potpisan je između Ministarstva za privredu i „ŽGP“ d.d. Zenica Koncesioni ugovor, broj: 04-18-15802-1/13 od 28.08.2013. godine. Kao rezultat potpisivanja navedenog Koncesionog ugovora, imamo upošljavanje više desetina novih radnika iz mjesta koja su u blizini kamenoloma što je bio i jedan od uslova lokalne zajednice.

-Saglasnošću općinskog vijeća Vareš, broj:04-18-02819-1/12 od 05.06.2012. godine, data je saglasnost za dodjelu koncesije kupcu DP Rudnik olova, cinka i barita-u stečaju Vareš. Predmet koncesije je istraživanje i eksploatacija metaličnih mineralnih resursa-olova, cinka i barita na ležištima Veovača 1., Veovača 2. i Rupice-Juraševac, Brestić u općini Vareš. Ministar Ministarstva za privredu je Rješenjem broj:04-19-6297-3/12 od 19.04.2012. godine, formirao Komisiju sa zadatkom da ocijeni postojanje Javnog interesa i sprovede važećim zakonom propisanu proceduru dodjele koncesije za istraživanje i eksploataciju olova, cinka i barita na ležištima Rupice-Juraševac, Brestić u općini Vareš. Komisija koju je imenovao ministar Ministarstva za privredu je utvrdila javni interes i izvršila uvid u postupak prodaje nekretnina Rudnika, te ministru dostavila Izvještaj, broj:04-18-6297-2-1/12 od 25.06.2012. godine. Na osnovu Odluke Vlade Zeničko-dobojskog kantona, broj: 02-18-21389/12 od 28.09.2012. godine i Zaključka Općinskog vijeća Vareš, broj: 04-18-02819-1/12 od 05.06.2012.godine, Odluke stečajnog upravnika o prodaji nepokretnosti, broj:04-31-12734/12 od 06.08.2012. godine, te Geodetskog Elaborata izrađenog od strane „Metrix-Inženjering“ d.o.o. Tuzla, iz decembra 2012. godine, potpisan je Koncesioni ugovor, broj: 04-18-21389-1/13 od 12.03.2013.godine. Trenuto se na navedenoj lokaciji vrše istražno-geološki radovi.

*Not  
Lupa*

Tabela 4. Potpisani koncesioni ugovori u 2013. godini

R. br.	KONCESIONAR - SJEDIŠTE	LOKACIJA LEŽIŠTE	PREDMET KONCESIJE	UGOVOR – BROJ I DATUM
1.	„ŽGP“ d.d Zenica,	„Široke stijene“ kod Zenice	Istraživanje i eksploatacija krečnjaka	04-18-15802-1/13 od 28.08.2013. Trajanje 25. godina
2.	“Easter mining“d.o.o. Visoko,	„Veovača, Rupice,Brestić“ Vareš	Istraživanje i eksploatacija olova, cinka, barita	04-18-21389-1/13 od 12.03.2013. Trajanje 25. godina

### 2.3.Koncesije u postupku

#### “Brezove Dane” kod Maglaja

-Istraživanje i eksploatacija mrkog uglja na lokalitetu “Brezove Dane” kod Maglaja.

Trenutno Ministarstvo za privredu ima zahtjev zainteresiranih privrednih subjekata za dodjelu koncesije za eksploataciju mrkog uglja na istraženom ležištu “Brezove Dane” –općina Maglaj, čija je površina istražno-eksploatacionog polja oko 150 ha i sa procjenjenim rezervama uglja sa cca 2 miliona tona. Završeni su istražno-geološki radovi i trenutno je faza izrade projektne dokumentacije neophodne za dobijanje dozvole za eksploataciju.

#### “Crkvice-Kamenolom” kod Zenice

-Istraživanje i eksploatacija krečnjaka na lokalitetu “Crkvice-Kamenolom” kod Zenice

Ministrastvo za privredu je zaprimilo Zahtjev privrednog subjekta zainteresiranog za istraživanje i eksploataciju krečnjaka na lokalitetu Crkvice-Kmenolom kod Zenice. Poslije Zahtjeva prema općinskom vijeću Zenica za davanje saglasnosti za ovaj lokalitet, data je tražena saglasnost, tako da je pokrenut proces dobijanja koncesije.

### 2.4.Projekti podržani sredstvima od koncesija u 2013.godini

Iz dijela sredstava od koncesionih naknada finansirani su sljedeći projekti po općinama nabrojani u sljedećoj tabeli.

Tabela 5. Projekti po općinama Kantona podržani u 2013. godini

r.br	OPĆINA	IZNOS	PROJEKTI
1.	Kakanj	31.151,87	-poslovna zona „Vrtište“ korak 2
2.	Maglaj	29.000,00	-poslovna zona „Liješnica“
3.	Visoko	62.515,50	-certifik.energetske efikasnosti
4.	Tešanj	314.728,27	-certifik.energetske efikasnosti -poslovne zone
5.	Zenica	34.830,00	-certifik.energetske efikasnosti
6.	Vareš	49.689,90	-Asfaltiranje puta Neprivaj-Vareš
7.	Breza	75.300,84	-asfaltiranje puta u naselju Bulbulušići

Ukupno akumulirana, a neutrošena sredstva, koja su se nalazila na kontu koncesija sa 31.12.2013. godine, su iznosila 946.370,96 KM.

### 3. PRIHODI OSTVARENI OD KONCESIONIH NAKNADA U 2013. GODINI

#### 3.1. Jednokratna koncesiona naknada

- "Eastern mining" d.o.o. Visoko je uplatio ukupno 175.205,85 KM,
- "ŽGP" d.d. Zenica je uplatio 134.200,00 KM.

Shodno važećoj Odluci Vlade, broj: 02-14-27967/09 od 28.10.2009. godine ("Službene novine Zeničko-dobojskog kantona", broj:17/09), o načinu rasporeda sredstava od koncesija, 70% ukupnog iznosa prikupljenih sredstava po ovom osnovu je vraćeno općinama na čijoj teritoriji se vrši eksploatacija, odnosno ukupno je vraćeno 1.029.005,90 KM. Napominjemo da je jednokratna koncesiona naknada od ova dva privredna subjekta u cijelosti vraćena općinama na čijoj teritoriji se vrši eksploatacija mineralnog resursa, tj.općinio Visoko i općini Zenica. Takođe, u navedeni iznos su uvrštena i sredstva uplaćena od strane privrednih subjekata koji plaćaju kvartalno koncesionu naknadu, tako da su uplatili IV-kvartal poslije izlaska Komisije za usaglašavanje eksploatisanih količina mineralnog resursa. Poslije uvrštavanja navedenih sredstava ukupno je alocirano prema općinama od koncesionih naknada iznos od 1.029.005,90 KM.

#### 3.2. Plaćanje kontinuirane koncesionih naknada u 2013. godini

Ukupni prihodi po osnovu koncesione naknade za eksploataciju mineralnih resursa u 2013. godine su 939.385,87 KM;

##### Kontinuirana koncesiona naknada

- „Tvornica cementa Kakanj“ d.d. Kakanj je uplatila 380.022,70 KM,
- „Trgošped“ d.o.o. Kakanj je uplatio 58.525,60KM,
- „BBM-Vareš“ d.o.o. Vareš je uplatio ukupno 32.625,00 KM.
- „Tehnološki Centar E&P – Zavidovići je uplatio ukupno 28.125,00 KM.
- „Breza Dom“ d.d. Sarajevo je uplatio ukupno 44.206,24KM,
- „MGV Gradnja – Zavidovići je uplatio ukupno 51.348,43 KM.
- „Dim Kamenolom“ d.o.o. Žepče ukupno uplatio 12.000,00KM.
- „Amina-Trade“ d.o.o.Sarajevo je ukupno uplatila 22.000,00 KM.
- „ŽGP“d.d. Zenica je ukupno uplatio 254.236,00 KM,
- „ALMY-TRANSPORT“ d.o.o. Zenica je uplatio 5.655,30 KM,
- „CESING“ d.o.o Žepče je uplatio 17.319,60 KM,
- „SANEX“ d.o.o. Breza je uplatio 20.000,00 KM,
- „IGM“ d.d. Visoko je uplatio 13.322,00 KM,

Ostali koncesionari nisu plaćali kontinuiranu koncesionu naknadu u 2013. godini.

Shodno važećoj Odluci Vlade, broj: 02-14-27967/09 od 28.10.2009. godine ("Službene novine Zeničko-dobojskog kantona", broj:17/09), o načinu rasporeda sredstava od koncesija, 70% ukupnog iznosa prikupljenih sredstava po ovom osnovu je vraćeno općinama na čijoj teritoriji se vrši eksploatacija., odnosno vraćeno je 657.570,10 KM na osnovu kontinuirane koncesione naknade. Općini Vareš je alociran cjelokupan iznos jednokratne koncesione naknadu uplaćen od strane privrednih subjekata "Eastern mining" d.o.o. Visoko od 175.205,85 KM, te Zenici uplata jednokratne koncesione naknade uplaćene od strane "ŽGP" d.d. Zenica od 134.200,00 KM što ukupno iznosi 966.975,95 KM. Takođe, potrebno je u obračun uključiti kontinuiranu koncesionu naknadu koju su uplatili pojedini privredni subjekti koji plaćaju naknadu kvartalno, tj.poslije obilaska Komisije za usaglašavanja eksploatisanih količina mineralnog resursa prema izvoznicama prodanih količina iz kamenolom a i podacima dobijenim od privrednog subjekta koja se bavi geodetskim mjerenjima a s kojom je Ministarstvo za privredu Zeničko-dobojskog kantona potpisalo ugovor o snimanju kamenoloma Kantona. Poslije uvrštavanja navedenih sredstava ukupno je alocirano prema općinama 1.029.005,90 KM.

#### 4. RASHODI IZ KONCESIONIH NAKNADA U 2013. GODINI

##### 4.1. Odobreni projekti po Programu utroška budžetskih sredstava za 2013. godinu

U nastavku ove Informacije dat je pregled Programa utroška budžetskih sredstava od koncesija u 2013. godine, broj:02-14-5037/13 od 21.01.2013. godine.

Tabela 6. Pregled odobrenih projekta za 2013. godinu prema Programu utroška budžetskih sredstava od koncesija u 2013. godini

R.b.	Naziv programa	Iznos odobrenih sredstava /KM/
1.	Sufinansiranje uspostavljanja industrijskih/poslovnih zona	200.000,00
2.	Zahtjevi lokalnih zajednica	90.000,00
3.	Provođenje postupka nadzora i realizacije koncesionih ugovora	10.000,00
4.	Geomagnetno snimanje Kantona	300.000,00
5.	Sufinansiranje izgradnje hidrotehničkih objekata za izmještanje rijeke Ribnice u općini Kakanj	200.000,00
6.	Sufinansiranje troškova certifikacije energetske efikasnosti građevinskih objekata	200.000,00
<b>UKUPNO</b>		<b>1.000.000,00 KM</b>

##### 4.2. Sufinansiranje poslovnih zona Zeničko-dobojskog kantona

U cilju sufinansiranja izgradnje i opremanja poslovnih zona utrošena su sljedeća sredstva:

-Poslovana zona Kakanj (faza II)	31.151,87 KM
-Poslovana zona Tešanj (faza III)	25.000,00 KM
-Poslovana zona Tešanj (faza IV)	281.725,77 KM
-Poslovana zona Maglaj (faza I i faza II)	29.000,00 KM
- Poslovna zona "Glinašće" / fazu III - korak 1. i 2. (projektovanje)	25.000,00 KM

Pored ovog u općinama je finansirano i sljedeće:

-Asfaltiranje puta kroz Neprivaj, općina Vareš	49.689,90 KM
-Asfaltiranje puta u naselju Bulbulušići i Vijesolići-Breza	75.300,84 KM

Za potrebe Komisije za usaglašavanje eksploatisanih količina mineralnih resursa na kamenolomima Zeničko-dobojskog kantona angažovan je:

-Geodetsko snimanje "Zedis" d.o.o. Zenica	2.925,00 KM
---	-------------

*Plan*  
*ZAV*

#### 4.3. Realizirani projekti subvencioniranja energetske efikasnosti

Tokom 2013. godine realizirani po Projektu subvencioniranja energetske efikasnosti po gradovima

Tabela 6. Pregled realiziranih projekata Vlade koji se finansiraju iz prihoda od koncesija za 2013. godinu

Visoko	Certifik-a energ.efikasnosti individ.stamb.objekta-N. Ugarak	7.560,00
Zenica	Certifik-a energ.efikasnosti grad. objekta Al-Ex d.o.o. Zenica	12.748,00
Zenica	Certifik-a energ.efikasnosti grad. objekta Farma "AMK-Zenica	17.928,00
Zenica	Certifik-a energ.efikasnosti grad. objekta - Durmić E.	4.154,00
Visoko	Certifik-a energ.efikasnosti grad. objekta - A. Bitić	4.112,00
Visoko	Certifik-a energ.efikasnosti grad. objekta - Lemeš I.	14.294,00
Visoko	Certifik-a energ.efikasnosti grad. objekta - "Firing" - Visoko	12.960,00
Visoko	Certifik-a energ.efikasnosti grad. objekta-Medžlis Islam.zajed.	19.417,50
Visoko	Certifik-a energ.efikasnosti grad. objekta - Đ. Ekrem	4.172,00
Tešanj	Certifik-a energ.efikasnosti grad. objekta - Župni ured	8.002,50
<b>Σ</b>		<b>105.348,00 KM</b>

#### 4.4. Alocirana sredstvima od koncesija prema općinama u 2013. godini

Prema dostavljenim izvještajima općina Kantona, sredstva od koncesionih naknada u općinama realizirana su prema prioritetima svake općine, tako da su pojedine općine vršile sanaciju puteva, druge izgradnju infrastrukturnih objekata, izgradnju vodovoda, rasvjete, omladinskih igrališta, izradu projektne dokumentacije za klizišta, izradu potpornih zidova zaštite od klizišta i td...

Prema podacima Ministarstva finansija Zeničko-dobojskog kantona u periodu od 01.01.2013. godine do 31.12.2013. godine, odnosno u budžetskoj 2013. godini, ukupno prikupljena sredstva i rashodi sa alokacijom sredstava prema općinama su sublimirani u tabelama 7. i 8.

#### 5. REKAPITULACIJA

Analizirajući naprijed navedene podatke o privrednim kretanjima na području koje obuhvata Zeničko-dobojski kanton, a vezano za koncesije, može se zaključiti da je ekonomska kriza koja je pogodila gotovo cijeli svijet imala vrlo negativne reperkusije i refleksiju na privredu Zeničko-dobojskog kantona. Kada se ovo kaže, onda se prije svega misli na probleme koje ima bazna industrija kao vrlo bitan segment privrede našeg Kantona. Međutim, nastavak izgradnje koridora V-c, čija trasa ide kroz područje Zeničko-dobojskog kantona, rezultiralo je blago povećanom aktivnosti privrednih subjekta, ali sa tendencijom smanjenja eksploatisanih količina u odnosu na ranije godine. Nastavak izgradnje koridora V-c, kroz Zeničko-dobojski kanton, će rezultirati značajnijim potrebama čvrstih mineralnih resursa.

U 2013. godini, prema podacima Ministarstva finansija, uplaćeno je 939.385,87 KM kao kontinuirana koncesiona naknada.

Shodno važećoj Odluci Vlade, broj: 02-14-27967/09 od 28.10.2009. godine ("Službene novine Zeničko-dobojskog kantona", broj:17/09), o načinu rasporeda sredstava od koncesija, 70% ukupnog iznosa prikupljenih sredstava po ovom osnovu je vraćeno općinama na čijoj teritoriji se vrši eksploatacija, odnosno vraćeno je 657.570,10 KM na osnovu kontinuirane koncesione naknade. Takođe, općinama je alociran cjelokupan iznos jednokratne koncesione naknadu uplaćen od strane privrednih subjekata "Eastern mining" d.o.o. Visoko od 175.205,85 KM, te "ŽGP" d.d. Zenica od 134.200,00 KM što ukupno iznosi 966.975,95 KM.

Takođe, u navedeni iznos su uvrštena i sredstva uplaćena od strane privrednih subjekata koji plaćaju kvartalno koncesionu naknadu, tako da su uplatili IV-kvartal poslije izlaska Komisije za usaglašavanje eksploatisanih količina mineralnog resursa.

Poslije uvrštavanja navedenih sredstava ukupno je alocirano prema općinama od koncesionih naknada iznos od 1.029.005,90 KM.

Tabela 7. Prihodi i rashodi od koncesija u 2013. godini

1.	PRIHODI /KM/		2013.
			939.385,87
2.	RASHODI /KM/	OPĆINE	1.029.005,90
		ZE-DO KANTON	281.815,76

Dio prikupljenih sredstva od koncesionih naknada koji je prikazan u tabeli 7. je alociran prema općinama u 2014. godini, s naznakom da se prihod za jednokratnu koncesionu naknadu alocirao prema općinama Kantona u punom iznosu to je razlog razlike između ukupnog prihoda i alociranih sredstava prema općinama Kantona.

Tabela 8. Alocirana sredstva prema općinama u 2013. godini

Redni broj.	OPĆINE	2013
1.	ZENICA	103.247,55
2.	KAKANJ	231.193,86
3.	OLOVO	373.546,35
4.	VAREŠ	278.481,59
5.	VISOKO	9.325,40
6.	ZAVIDOVIĆI	19.687,50
7.	ŽEPČE	13.523,70
UKUPNO:		1.029.005,90 KM

*Obt  
staj*

## 6. ZAKLJUČAK

Sublimirajući i upoređujući podatke predhodnih godina sa podacima u 2013. godini, može se zaključiti sljedeće:

- Nastavljen trend da privredni subjekti, sa potpisanim koncesionim ugovorom, koji nisu eksploatisali mineralni resurs u 2012. godini nisu vršili eksploataciju čvrstih mineralnih resursa ni u 2013. godini;
- Uplate koncesione naknade privrednih subjekta za 2013. godinu su smanjene u odnosu na predhodnu godinu jer su u 2012. je posljedica plaćanja utuženih privrednih subjekata, izmirivanja dijela dugova iz ranijih godina kao i novih potpisanih koncesionih ugovora te uplata jednokratnih koncesionih naknada;
- Nastavak izgradnje trase koridora V-c kroz područje Zeničko-dobojskog kantona trebalo bi da da promjene trenda u pozitivnom smjeru vezanom za privredna kretanja našeg Kantona.

